

Микрокредит беру туралы қосылу шарты

Осы Шарт Қазақстан Республикасы Азаматтық кодексінің 389-бабында көзделген тәртіпте жасалатын қосылу шарты болып табылады, оның талаптары осы стандартты нысанмен (бұдан әрі – Шарт) анықталған және Шартқа қосылу туралы өтініш (бұдан әрі – Өтініш) беріп, оған қол қойған Қарыз алушы (жеке немесе заңды тұлға) және Өтінішті қабылдап, оған қол қойған

«Арнұр Кредит» МҚҰ» ЖШС (бұдан әрі – МҚҰ) арасындағы қарым-қатынасты реттейді.

МҚҰ және Қарыз алушы бұдан әрі бірлікте «Тараптар», ал әрқайсысы жеке «Тарап» немесе жоғарыда көрсетілгендей аталады.

1-бап. Шарттың жалпы талаптары

1.1. МҚҰ Қарыз алушыға осы Шартта және Өтініште белгіленген тәртіпте микрокредит береді. Өтініш пен Шарт бір-бірінің ажырамас бөлігі болып табылады және біртұтас «Микрокредит беру туралы шарт» ұғымын білдіреді. МҚҰ кез келген құжаттарында және шарттарында, сонымен қатар кредиттік желі беру (ашу) туралы келісімдерде қолданылатын «шарт» және/немесе «Микрокредит беру туралы шарт» ұғымдары Өтініш пен Шарт мазмұнына бірдей дәрежеде қатысты болады.

1.2. Қарыз алушы Өтінішке қол қою арқылы Шартқа қосылады.

1.3. Қарыз алушыға микрокредитті Кредит желісін беру (ашу) туралы келісімнің (бұдан әрі – Келісім) аясында берген жағдайда, осы Шарт пен Өтініш ондай Келісімнің ажырамас бөлігі болып табылады және Келісімнің, Шарттың және Өтініштің барлық талаптары бірін-бірі толықтыратын құжаттар болады. Өтініш және Шарт Өтініш пен Шарттың үлгі нысандарын бекіткен күнге дейін жасалған кредиттік желі беру (ашу) туралы келісімдердің аясында жасалуы мүмкін.

1.4. Қарыз алушы қызметкерлерінің әрекеті Қарыз алушының әрекеті болып саналады. Қарыз алушы аталған әрекеттер міндеттемелерді орындамауға және /немесе тиісті түрде орындамауға алып келген жағдайда жауап береді (осы тармақ заңды тұлғаларға берілетін микрокредиттік өнімдер үшін әрекет етеді).

2-бап. Микрокредит беру және өтеу тәртібі

2.1. МҚҰ Қарыз алушыға ақылылық, мерзімділік және қайтарымдылық шарттарымен микрокредит береді.

2.2. Шартқа қосып берілген өтеу кестесінде көрсетілген микрокредит беру күні микрокредиттің берілу күні болып табылады.

2.3. Микрокредитті қайтаруды және микрокредитті пайдаланғаны үшін сыйақы төлеуді Қарыз алушы Шартқа қоса берілетін өтеу кестесіне сәйкес жүргізеді. Қарыз алушының ақшалай міндеттемелері сомасының (мөлшерінің) және (немесе) оларды төлеу мерзімінің өзгеруіне әкеп соғатын микрокредит шарттары өзгерген кезде МҚҰ жаңа шарттарды ескере отырып, микрокредит өтеудің жаңа кестесін жасайды және Қарыз алушыға береді.

2.4. Микрокредитті пайдаланғаны үшін жылдық сыйақы мөлшерлемесі микрокредитті нақты пайдалану мерзімі ішінде микрокредит бойынша негізгі борышқа есептеледі.

2.5. Сыйақының сомасын есептеу Несиеленушінің шағын несиенің сомасын пайдалану күнінің нақты саны бойынша жылына 365 (Үш жүз алпыс бес) күн есебінен немесе секіріс (толық) жылда 366 (Үш жүз алпыс алты) күн есебінен жүзеге асырылады. Сыйақы есептеу үшін мерзімді есептеу Қарыз алушыға микрокредит берілген күннен басталады.

2.6. Қарыз алушы Қарыз алушының өзі де, оның аффилиирленген тұлғалары да, Қарыз алушының атынан әрекет ететін қандай да бір басқа тұлға есірткі саудасын, сыбайлас жемқорлықты, ұйымдасқан қылмыстық қызметті, заңсыз жолмен алынған ақшаны заңдастыруды және терроризмді қаржыландыруды қоса алғанда, бірақ олармен шектелмей, заңсыз қызметпен айналыспайтынын және келешекте айналыспайтынын Шартқа қол қойылған күні растайды, сондай-ақ оның қолданыс мерзімінде айналыспайтынын кепілдендіреді.

2.7. МҚҰ Қарыз алушының тұрғылықты жеріне және/немесе кәсіпкерлік қызметін жүзеге асыру орнына бару, тексеру, сондай-ақ, Қарыз алушының микрокредитті нысаналы мақсаты бойынша пайдаланылуын растайтын кез келген құжаттық мәліметтерді тексеру арқылы Микрокредиттің мақсатты пайдаланылуын тексереді және бақылайды.

2.8. Қарыз алушы онымен жасалған Кредиттік желі ашу туралы келісімнің аясында әрбір (кезекті) траншты беру МҚҰ міндеті емес, құқығы екенін растайды және келіседі. Бұл МҚҰ әрбір траншты беру туралы мәселені жеке және алдыңғы транштар бойынша қабылданған шешімдерге тәуелсіз қарайтынын және МҚҰ өз қарауы бойынша, соның ішінде Қарыз алушының МҚҰ алдында алдыңғы транштар бойынша өтелмеген берешегі болған жағдайда Кредиттік желі ашу туралы келісімнің аясында Қарыз алушыға кезекті траншты беруден бас тартуға құқылы екенін білдіреді.

3-бап. Қарыз алушының құқықтары мен міндеттері

3.1. Қарыз алушы құқылы:

3.1.1. Микрокредиттерді беру ережелерімен, микрокредиттер беру бойынша МҚҰ тарифтерімен танысуға;

3.1.2. Шартта белгіленген тәртіппен және шарттарда алынған микрокредитке өкімдік етуге;

3.1.3. Егер негізгі борышты және (немесе) сыйақыны өтеу күні демалыс не мереке күніне түссе, негізгі борышты және (немесе) сыйақыны одан кейінгі жұмыс күні тұрақсыздық айыбын (айыппұл, өсімақы) төлемей төлеуге;

3.1.4. Тұрақсыздық айыбын (айыппұл, өсімақы) төлемей, Шарт бойынша берілген микрокредит сомасын МҚҰ мерзімінен бұрын толық немесе ішінара қайтаруға;

3.1.5. Микрокредит беру туралы шарт бойынша міндеттемені орындау мерзімін өткізіп алу басталған күннен бастап күнтізбелік отыз күн ішінде қарыз алушы-жеке тұлға МҚҰ баруға және (немесе) өзінің микрокредит беру туралы шарттың талаптарына, оның ішінде:

1) сыйақы мөлшерлемесін не микрокредит беру туралы шарт бойынша сыйақы мәнін азайту жағына қарай өзгертуге;

2) негізгі борыш және (немесе) сыйақы бойынша төлемді кейінге қалдыруға;

3) берешекті өтеу әдісін немесе өтеу кезектілігін, оның ішінде негізгі борышты басым тәртіппен өтей отырып өзгертуге;

4) микрокредит мерзімін өзгертуге;

5) микрокредит бойынша мерзімі өткізіп алынған негізгі борышты және (немесе) сыйақыны кешіруге, тұрақсыздық айыбының (айыппұлдың, өсімпұлдың) күшін жоюға;

6) тараптардың келісімімен белгіленген мерзімдерде кепіл берушінің ипотека нысанасы болып табылатын жылжымайтын мүлікті дербес өткізуіне;

7) микрокредит беру туралы шарт бойынша міндеттемені орындаудың орнына микроқаржы ұйымына кепілге қойылған мүлікті беру арқылы бас тарту төлемін ұсынуға;

8) сатып алушыға микрокредит беру туралы шарт бойынша міндеттемені бере отырып, ипотека нысанасы болып табылатын жылжымайтын мүлікті өткізуге байланысты өзгерістер енгізу туралы өтінішін негіздейтін, микрокредит беру туралы шарт бойынша міндеттемені орындау мерзімін өткізіп алудың туындау себептері, кірістер және басқа да расталған мән-жайлар (фактілер) туралы мәліметтерді қамтитын жазбаша нысанда өтініш не микрокредит беру туралы шартта көзделген тәсілмен ұсынуға құқылы.

3.1.6. қарыз алушы-жеке тұлға МҚҰ осы 5 баптың 3-тармағының 3) тармақшасында көзделген шешімін алған күннен бастап күнтізбелік 15 (он бес) күн ішінде немесе микрокредит беру туралы шарттың талаптарын өзгерту туралы өзара қолайлы шешімге қол жеткізбеген кезде бір мезгілде МҚҰ хабардар ете отырып, уәкілетті органға өтініш жасауға;

3.1.7. Шарт бойынша құқықты (талап ету) МҚҰ берілген жағдайда, «Микроқаржы қызметі туралы» Қазақстан Республикасының 2012 жылғы 26 қарашадағы № 56-V Заңы 9-1 бабы 4 және 5 тармақтарында (бұдан әрі – «Заң») көрсетілген тұлғамен келіспеушіліктерді реттеу үшін банк омбудсменіне жүгінуге. Көрсетілген құқық жеке тұлға болып табылатын қарыз алушыға қолданылады;

3.1.8. Алынған қызметтер бойынша шағымдар, ұсыныстар немесе даулы жағдайлар туындаған жағдайда, қол жетерлік кері байланыс арналары арқылы МҚҰ-ға жазбаша, соның ішінде МҚҰ-ның әрбір құрылымдық бөлімшесінде орналасқан сенім жәшігі және/немесе құрылымдық бөлімше басшысына және/немесе сенім телефоны арқылы ауызша хабарласуға. Кері байланыс арналары жайлы ақпарат МҚҰ әрбір кеңсесінде және интернет-сайтында көрсетілген;

3.1.9. Қазақстан Республикасының заңдарымен белгіленген тәртіпте өзінің құқықтарын қорғауға;

3.1.10. Заңмен, Қазақстан Республикасының басқа заңдарымен және Шартпен белгіленген басқа құқықтарды жүзеге асыруға.

3.2. Қарыз алушының міндеттері:

3.2.1. алған микрокредитті қайтаруға және ол бойынша сыйақыны Шартта белгіленген мерзімде және тәртіппен төлеуге;

3.2.2. МҚҰ Заңға сәйкес сұратқан құжаттарды және мәліметтерді беруге;

3.2.3. Осы Шарт бойынша міндеттемелердің орындалуын қалпына келтіруге байланысты жұмсалған МҚҰ-ның комиссиялық және басқа да шығындарын қайтаруға;

3.2.4. Шағын несиені мақсаты бойынша пайдалануға, сондай-ақ шағын несиені мақсатына сәйкес пайдаланылуын растайтын құжаттар мен ақпаратты сұраным бойынша МҚҰ-ға дереу табыс етуге;

3.2.5. Мерзімінен бұрын жартылай, ішінара қарызды өтеген күннен бастап 5 (бес) жұмыс күні ішінде, алайда шағын несие бойынша кезекті төлемді қабылдау күннен кеш емес, МҚҰ дайындаған шағын несиені өтеудің жаңа кестесіне қол қоюға;

3.2.6. Шағын несие толық өтелгенге дейін мерзім ішінде, шағын несиенің мақсатты түрде пайдалануын тексеру қажеттілігіне және кредиттік мониторинг, оның ішінде несиеленушінің қаржылық жағдайының мониторингін және қамтамасыздандыру мониторингін жүргізу үшін, сұранымында көрсетілген уақытта МҚҰ-ні кез-келген ақпараттар және құжаттармен қамтамасыз етуге. Бұл ретте, Тексерулердің саны мен мерзімдері МҚҰ-мен өз бетінше анықталады және Несиеленушімен келісілмейді;

3.2.7. Осы шарт бойынша қарызы толық өтелгенге дейін, Шартты орындауға кері әсер тигізетін, барлық мән-жайлар туралы МҚҰ-на уақытылы хабарлап тұруға.

3.2.8. Осы шарттың әрекет ету мерзімінде:

- басқа банктермен және микроқаржылық ұйымдармен Несие келісімдерін (кредиттік шарттарын) түзбеуге, қарыз, кепіл, кепілдеме бермеуге, сонымен қатар МҚҰ-ның жазбаша келісімінсіз құқықтық табиғаты ұқсас осындай Мәмілелер (келісімдер) жасамауға;
- Осы шартқа қол қойған күннен бастап және одан кейінгі болашақта пайда болатын, барлық басқа қаржылық міндеттемелерге қарағанда осы шарт бойынша қаржылық міндеттемелерін жүзеге асыруын бірінші ретте орындауға;
- МҚҰ жазбаша келісімінсіз басқа кепіл шартын түзбеуге немесе басқа да тәсілмен өзінің мүліктеріне (оның ішінде, осы шарт түзілгеннен кейін меншік құқығын алған мүліктеріне де), қазіргі таңдағы және болашақта туындаған табыс көздеріне ауыртпалықтар салмауға, шектеулер жасамауға;
- МҚҰ-ның жазбаша келісімінсіз өзіне тиесілі мүліктерін басқа тұлғаларға сенімді

басқаруға бермеуге, оны шағын несие беру шартының әрекет ету мерзімінен асатын мерзімге уақытша жалға бермеуге.

3.2.9. Басқа банктердегі (банктік операциялардың бөлек түрлерін жүзеге асыратын ұйымдардағы) өзінің барлық есеп шоттары туралы МҚҰ-на жазбаша хабардар етуге.

3.2.10. Осы шартты орындау шеңберінде, шегінде МҚҰ-ның негізделген сұранымдары бойынша кез-келген мәліметтермен қамтамасыз етуге.

3.2.11. Осы шарттың талаптар туындағанда, МҚҰ-ның, мерзімінен бұрын Шағын несие сомасын және оның сыйақысын қайтару жөніндегі талабын 10 күнтізбелік күн ішінде Шағын несиені және оның сыйақысын толығымен төлеу арқылы орындауға.

3.2.12. МҚҰ-ның бірінші талабы бойынша немесе Шартты түзу кезінде, арнайы рұқсаты (лицензиясы) бар сақтандыру компанияларында, Шағын несиені қайтармау кәуіптерін немесе Шағын несиені пайдалануға байланысты басқа да тәуекелдерді сақтандыруға.

3.2.13. Несиеленуші өзі туралы мәліметтерді кредит бюроларына беруге және кредит бюросының ол туралы несие есебін МҚҰ-на беруіне, сондай-ақ Тараптардың өз міндеттемелерін орындауына байланысты ақпаратты үшінші тұлғаларға (коллекторлық компаниялар сақтандыру қызметтеріне және т.б.) беруге өз келісімін беруге.

3.2.14. Несиеленуші міндеттенеді, Шағын несиені мақсаты түрде пайдаланбаған жағдайда, оны мерзімінен бұрын қайтаруға және қайтару күніне дейінгі Шағын несиені пайдаланылған көлеміне есептелген сыйақысын төлеуге.

3.2.15. Несиеленушінің шотына шағын несие аударылған/шағын несие берілген күннен бастап 3 (үш) ай ішінде шағын несиені толығымен игеруге, егер тауарларды/жұмыстарды/қызметті сатып алу бойынша, несиеленуші мен контрагент арасында жасалған тиісті шартта өзгеше мерзімі көзделмесе;

3.2.16. Егер шағын несие қаражаты есебінен алған ұзақ мерзімді активті сату-сатып алу шарты бұзылса немесе несиеленуші ұзақ мерзімді активті иеліктен шығарса, мұндай бұзу/иеліктен шығару өткеннен соң жазбаша түрде МҚҰ-на 3 (үш) жұмыс күн ішінде хабарлауға міндетті және шағын несие бөлігін/барлық сомасын 20 (жиырма) жұмыс күні ішінде МҚҰ-ның қойған талабы бойынша мерзімінен бұрын өтеуге тиісті;

Несиеленуші осы тармақта белгіленген шарттарды сақтауға міндеттенеді.

3.2.17. МҚҰ-ның микрокредиттің нысаналы мақсаты бойынша пайдаланылуын тексеруді және тұрақты бақылауды жүзеге асыру мүмкіндігін қамтамасыз етуге және МҚҰ-ның Қарыз алушыны тексеру бойынша өз өкілеттіктерін жүзеге асыруына бөгет жасамауға;

3.2.18. МҚҰ-ның алдын ала жазбаша келісімінсіз осы Шарт бойынша өз құқықтары мен міндеттемелерін үшінші тарапқа бермеуге;

3.2.19. жоғалған немесе зақымдалған кепіл мүлкін жоғалған және/немесе зақымдалған сәтінен бастап 10 (он) күнтізбелік күннен кешіктірмей тең бағалы басқа мүлікпен алмастыруға және/немесе осы мерзім аралығында қажет болса қосымша қамсыздандыруды ұсынуға; (*Шарт жасаған кезде кепілді қамтамасыз етуді берген жағдайда*);

3.2.20. Кепілгер қайтыс болған/таратылған немесе оның қаржылық жағдайы нашарлаған жағдайда жаңа кепілгерді ұсынуға немесе басқаша қамтамасыз етуге (*Шарт жасаған кезде үшінші тұлғалардың кепілдігін берген жағдайда*);

3.2.21. МҚҰ-на Шартқа берілген өтеу кестесін бұзуға әкелуі мүмкін барлық жағдайлар, соның ішінде: үшінші тұлғалардың Қарыз алушының, кепілгердің, кепіл берушінің мүлкіне және/немесе олардың банктік шоттарындағы ақшасына шектеу қоюы туралы, Қарыз алушыға үшінші тұлғалардың жолдаған шағымдарын мен арыз талаптарын алған кезде 5 (бес) жұмыс күні ішінде хабарлауға;

3.2.22. МҚҰ-на кепілге берілген мүлікке құқықты белгілейтін және/немесе құқықты куәландыратын Қарыз алушының, кепілгердің, кепілге берушінің құжаттарына немесе жеке басын куәландыратын құжаттарына өзгертулердің және/немесе толықтырулардың енгізілгені туралы, сондай-ақ тұрғылықты мекенжайының, жұмысының, банк деректемелерінің және МҚҰ-на ұсынылған басқа да деректердің өзгергені туралы МҚҰ-на жазбаша түрде хабарлауға;

3.2.23. Шарттың ажырамас бөлігі болып табылатын, өтеу кестесінде белгіленген сомалар мен мерзімдерге сәйкес, МҚҰ-ның Шарт бойынша берешегін өтеумен байланысты барлық төлемдерін жүзеге асыруға;

3.2.24. Шаруашылық қызметті жүзеге асыру кезінде экологиялық талаптарды, денсаулық сақтау және қауіпсіздік нормаларын сақтауға; табиғатты қорғау практикасын жақсартуға, экологиялық тәуекелдерді төмендетуге;

3.2.25. микрокредит беру туралы шарттың және оған қосымша келісімдердің даналарын қосалқы қарыз алушыға, кепілдік шартының және оған қосымша келісімдердің даналарын кепілгерге, кепіл шартының және қосымша келісімдердің даналарын кепіл берушіге беруге.

3.2.26. МҚҰ тұрғылықты жерінің немесе тіркелген мекенжайының, ұялы телефон нөмірінің (-лерінің), жеке басты куәландыратын құжат деректемелерінің, жұмыс орнының немесе бизнес мекенжайының, банктік деректемелердің және МҚҰ берілген басқа деректердің өзгеруі туралы ондай өзгерістер орын алған күннен бастап 2 (екі) күннің ішінде жазбаша хабардар етуге. Қарыз алушы бұл міндеттемені орындамаған жағдайда:

1) МҚҰ Шартты орындауға, өзгертуге немесе тоқтатуға, сонымен қатар берешекті соттан тыс және (немесе) сот тәртібінде өндіріп алуға байланысты немесе қажетті МҚҰ хабарландыру/хабар беру бойынша барлық міндеттемелерін қосқанда, Шартта көрсетілген немесе бұған дейін Қарыз алушы ұсынған деректерді шынайы және өзекті деп есептеуге құқылы;

2) осы Шартқа қол қою және (немесе) микрокредитті алу, үшінші тұлғалардың микрокредит, Шарт немесе Қарыз алушы туралы ақпаратты алу кезінде берілген/туындаған/пайдаланылған Қарыз алушының байланыс және дербес деректерін, сонымен қатар электрондық сәйкестендіру құралдарын, соның ішінде логиндерді, құпиясөздерді, ЭЦҚ биометриялық деректерін үшінші тұлғалардың заңнан тыс пайдаланғаны үшін МҚҰ жауапкершілік көтермейді және Қарыз алушы осы әрекеттердің жағымсыз салдары үшін өзі жауапкершілік көтереді.

3.2.27. Қазақстан Республикасының заңнамасымен және МҚҰ-мен жасалған шарттармен белгіленген басқа да талаптарды орындауға **міндетті**.

4- бап. МҚҰ-ның құқықтары:

МҚҰ құқылы:

41. Шарттың талаптарын қарыз алушы үшін жақсарту жағына қарай біржақты тәртіпте өзгертуге;

42. Қарыз алушы микрокредиттің кезекті бөлігін қайтару және (немесе) сыйақы төлеу үшін белгіленген мерзімді қырық күнтізбелік күннен астам уақыт бұзған кезде микрокредит сомасын және ол бойынша сыйақыны мерзімінен бұрын қайтаруды талап етуге;

43. Қарыз алушы-жеке тұлғаның өтінішін қарау нәтижелері бойынша берешекті реттеу жөнінде келісімге қол жеткізілмеген және қарыз алушы-жеке тұлға берешек бойынша қарсылықтар бермеген жағдайда, қарыз алушы-жеке тұлғаның келісімін алмастан, нотариустың атқару жазбасының негізінде негізгі борышты, сыйақыны және айыпақыны (айыппұлды, өсімпұлды) қоса алғанда, берешекті өндіріп алуға;

44. Несиеленушінің қаржылық жағдайына кез келген уақытта мониторинг жасауға және Шағын несиенің жұмсалуды растайтын құжаттарды талап ету арқылы, шағын несиенің мақсатты пайдаланылуын бақылауға;

45. ҚР Заңнамаларына сай, егер Несиеленушінің осы Шарттың міндеттерін қырық күнтізбелік күннен астам жеткілікті және уақтылы орындамаса және де берілген шағын несие әртүрлі жағдайлармен қамтамасыз етілмеген болса (немесе шынайы қауіп төнсе), онда берілген шағын несиені, сыйақы мен айыппұл сомаларын төлеуді, сонымен қатар кепіл мүлкін сот тәртібімен өндіріп алуға немесе міндеттеменің орындалуын (кепілгерден, кепілберушіден) талап етуге;

46. Шағын несиені пайдаланған мерзімінде, шағын несие және оның сыйақысының төлемі кешіктірілсе, мерзімінен бұрын өндіруге және кепіл нысанын сот тәртібімен сатуға немесе үшінші жақтан талаптардың орындалуын талап етуге немесе үшінші тұлғалардың талап етулеріне қосылуға, егер:

- Несиеленуші сот процессіне тартылса немесе несиеленушінің мүлкіне және оның есеп шотына тиым салынса (тұтқындалса) немесе оны қарызға айналдыру жүзеге асырылса (немесе осындай нақты қауіп туындаса);
- Несиеленуші шағын несиені қамтамасыздан- дырудың бары (оның күй-жайы) туралы жалған ақпарат берсе;
- Несиеленуші (әрі-Кепіл беруші болып табылатын) және/ немесе Кепіл беруші Шарт талаптарын бұзса, кепіл берушіде қалған кепіл немесе кепіл нысаны кепіл берушінің пайдалану шегінен шықса, МҚҰ жауап бермейтін жағдайлар себебінен жоғалса, кепіл беруші кепіл нысанын қамтамасыз ету және сақтау міндеттерін орындамаса, кепіл нысанын иелену ережесін бұзса;
- Несиеленуші (Кепіл беруші) МҚҰ-ның кепіл нысанын өзгерту немесе қосымша кепіл беруі туралы талаптарын орындамаса, кепіл беруші қайта кепіл беру туралы ережесін бұзса;
- Осы шарт бойынша кезекті төлем жасауға несиеленушінің қаражаты жоқ болса және олардың пайда болу мүмкіндігі болмаса.

47. Несиеленуші осы шарт бойынша міндеттемелерді орындау мерзімінің өтуіне жол берген жағдайда коллекторлық агенттікті (компанияларды) жалдауға;

48. Несиеленуші аталған Шарт бойынша міндеттемені орындау кезінде төлемнің мерзімін өткізіп алған жағдайда, аталған Шарт бойынша құқықты (талап ету жөніндегі) Несиеленушінің келесімінсіз Қазақстан Республикасының «Микроқаржылық қызмет» Заңының 9-1 бабының 4 және 5 - ші тармақтарында көрсетілген тұлғаларға беруге;

49. Несиеленуші осы Шарт бойынша міндеттемелерін орындамаған не тиісінше орындамаған кезде МҚҰ Қазақстан Республикасының заңнамасында және/немесе осы Шартта көзделген өзге де шараларды қабылдауға құқылы.

410. Қазақстан Республикасының азаматтық заңнамасына сәйкес міндеттеменің орындалуын қамтамасыз ете отырып не қамтамасыз етпей микрокредит беруге;

411. Қарыз алушының қаржылық-шаруашылық жағдайын және микрокредиттің мақсатқа сай пайдаланылуын тексеруге;

412. Қарыз алушыдан Қарыз алушының қаржылық жағдайы туралы барлық қажетті ақпаратты және Шарт бойынша міндеттемелерді орындау үшін қажетті мәліметтерді сұратуға және алуға;

413. Қарыз алушының өтініші бойынша тауарларға, жұмыстарға немесе қызметтерге төлеу мақсатында екінші деңгейлі банктер арқылы микрокредитті үшінші тұлғаға аударуға;

414. Қарыз алушының келісімінсіз Шарт бойынша құқықты (талапты) беруге;

415. Қарыз алушыдан Шартта белгіленген міндеттерді орындауды талап етуге;

416. Қазақстан Республикасының заңнамасында, Шартта белгіленген өзге де құқықтарды жүзеге асыруға.

5-бап. МҚҰ міндеттері

МҚҰ міндетті:

51. Микроқаржылық ұйымының шағын несие беру туралы шарты бойынша құқығының (талап етуінің) үшінші тұлғаға өту талаптары қамтылған шарт (бұдан әрі – талап ету құқығын басқаға беру шарты) жасалған кезде (қарыз алушыны) несиеленушіні (немесе оның уәкілетті өкілін) хабарландыруға:

- талап ету құқығын басқаға беру шарты жасалғанға дейін құқықтардың (талап етулердің) үшінші тұлғаға өту мүмкіндігі туралы, сондай-ақ шартта көзделген не Қазақстан Республикасының заңнамасына қайшы келмейтін тәсілмен осындай құқықты

басқаға беру талабына байланысты қарыз алушының дербес деректерін өңдеу туралы;

- (талап ету) құқығын басқаға беру шарты жасалған күннен бастап күнтізбелік отыз күн ішінде шағын несиелерді өтеу жөніндегі бұдан былайғы төлемдердің үшінші тұлғаға (шарт бойынша құқық (талап ету) өткен тұлғаның атауы және тұрған жері) тағайындалатынын, берілген құқықтардың (талап етулердің) толық көлемін, сондай-ақ негізгі борыштың, сыйақының, комиссиялардың, тұрақсыздық айыбының (айыппұлдың, өсімпұлдың) мерзімі өткен және ағымдағы сомаларының және төленуге жататын басқа да сомалардың қалдықтарын көрсете отырып, құқықтың (талап етудің) шартта көзделген не Қазақстан Республикасының заңнамасына қайшы келмейтін тәсілмен үшінші тұлғаға өткені туралы;

52. жақсартушы шарттарды МҚҰ қолданған жағдайда, Шарт талаптарының өзгергені туралы қарыз алушыны шартта көзделген тәртіппен хабардар етуге;

53. Тараптар қол қойған шағын несиені өтеу кестесін жасап несиеленушіге беруге.

Егер несиеленуші жеке тұлға болып табылса, шағын несиені беру күні жасалған шағын несиені өтеу кестесі сондай-ақ МҚҰ ұсынған несиеленушінің таңдаған әдісі туралы белгісі бар шағын несиені өтеу әдістерінің тізбесін қамтиды.

Несиеленушінің ақшалай міндеттемелерінің сомасын (мөлшерін) және (немесе) оларды төлеу мерзімін өзгертуге әкеп соқтыратын шағын несиенің шарттарын өзгерткен кезде микроқаржылық ұйым жаңа талаптарды ескере отырып, шағын несиені өтеудің жаңа кестесін жасайды және несиеленушіге береді.

54. Орналасқан жері өзгерген не атауы өзгерген жағдайда бұл туралы қарыз алушыны МҚҰ орналасқан жері бойынша, сондай-ақ қарыз алушы – жеке тұлғаның заңды мекенжайы бойынша және қарыз алушы – заңды тұлғаның орналасқан жері бойынша екі баспа басылымында қазақ және орыс тілдерінде тиісті ақпарат жариялау арқылы не мұндай өзгерістер болған күннен бастап күнтізбелік отыз күннен кешіктірілмейтін мерзімде әрбір қарыз алушыны жазбаша хабардар ету арқылы жазбаша хабарлауға;

55. кредиттік мүмкіндікке қарай және қажетті құжаттардың тиісті/лайықты түрде рәсімделуіне байланысты шағын несие ұсынуға.

56. Шағын несие алумен байланысты Несиеленушінің (өтініш берушінің) құқықтары мен міндеттемелерін хабарлауға;

57. Қазақстан Республикасының заңнамасында көзделгендерді қоспағандағы, басқа жағдайларда, осы Шарт талаптарының құпиялылығын қамтамасыз етуге;

58. Қарыз алушыны шартта көзделген тәсілмен және мерзімде, бірақ мерзімі өткен күннен бастап күнтізбелік жиырма күннен кешіктірмей мыналар жөнінде:

1) шарт бойынша міндеттемені орындау бойынша мерзімін өткізіп алудың туындауы және хабарламада көрсетілген күні мерзімі өткен берешектің мөлшерін көрсете отырып, төлемдер енгізу қажеттілігі туралы;

2) қарыз алушы-жеке тұлғаның шарт бойынша МҚҰ жүгіну құқығы;

3) қарыз алушының Шарт бойынша өз міндеттемелерін орындамауының салдары жөнінде хабардар етуге.

Егер хабарлама борышкерге мынадай тәсілдердің бірімен жіберілсе, ол жеткізілді деп есептеледі:

1) шартта көрсетілген электрондық пошта мекенжайына (бар жағдайда);

2) шартта көрсетілген тұрғылықты жері бойынша оның табыс етілгені туралы хабарламасы бар тапсырыс хатпен жіберілген болса, оның ішінде көрсетілген мекенжайда тұратын отбасының кәмелетке толған мүшелерінің бірі алған болса;

3) жеткізілгенін тіркеуді қамтамасыз ететін өзге де байланыс құралдарын пайдалана отырып жіберілсе.

59. Қарыз алушы – жеке тұлғаның өтінішін алған күннен кейін күнтізбелік он бес күн ішінде микрокредит беру туралы шарттың талаптарына ұсынылған өзгерістерді қарауды және қарыз алушы-жеке тұлғаға:

1) микрокредит беру туралы шарттың талаптарына ұсынылған өзгерістермен келісетіні;

2) берешекті реттеу жөніндегі өзінің ұсыныстары;

- 3) бас тарту себептерінің уәжді негіздемесін көрсете отырып, микрокредит беру туралы шарттың талаптарын өзгертуден бас тартатыны туралы жазбаша нысанда не микрокредит беру туралы шартта көзделген тәсілмен хабарлауды.
- 5.10. Микрокредит беру қағидаларының көшірмесін Қарыз алушының (өтінім берушінің) шолуы және танысуы үшін қолжетімді жерде, оның ішінде болған жағдайда МҚҰ-ның интернет-ресурсында орналастыруға;
- 5.11. Өтінім берушіге микрокредит алуға, қызмет көрсетуге және өтеуге (қайтаруға) байланысты төлемдер туралы толық және дұрыс ақпарат беруге;
- 5.12. Қарыз алушыны микрокредит алуға байланысты оның құқықтары мен міндеттері туралы хабардар етуге;
- 5.13. Қаржы мониторингі жөніндегі уәкілетті органға «Қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы» Қазақстан Республикасының Заңына сәйкес мәліметтерді хабарлауға;
- 5.14. Микрокредит беру құпиясын сақтауға. Микрокредит беру құпиясы қарыз алушылар, микрокредиттердің мөлшері туралы, Қарыз алушыға қатысты Шарттың өзге де талаптары туралы және МҚҰ операциялары туралы мәліметтерді (микрокредиттер беру қағидаларын қоспағанда) қамтиды;
- 5.15. уәкілетті органның нормативтік-құқықтық актісімен белгіленген микроқаржы ұйымы қарыз алушысының борыштық жүктемесі коэффициентінің шектік мәнін және есептеу тәртібін сақтауға;
- 5.16. «Қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы» Қазақстан Республикасының Заңымен көзделген жағдайларда микрокредит беруден бас тартуға;
- 5.17. Кредиттік бюродан алынған кредиттік есептегі Қарыз алушы туралы ақпараттың құпиялығын бұзбауға;
- 5.18. Қазақстан Республикасының заңнамасымен және Шартпен белгіленген басқа да талаптарды сақтауға.

6-бап. МҚҰ үшін шектеулер

МҚҰ құқылы емес:

- 6.1. микрокредит өтеу тәсілін және әдісін және (немесе) сыйақы мөлшерлемесін (оларды төмендету жағдайларын есептемегенде) біржақты тәртіпте өзгертуге;
- 6.2. микрокредит бойынша сыйақыны және тұрақсыздық айыбын (айыппұлды, өсімақыны) қоспағанда, қарыз алушыдан кез келген төлемдер белгілеуге және алуға;
- 6.3. МҚҰ-на микрокредит сомасын мерзімінен бұрын толық немесе ішінара қайтарған жеке тұлға болып табылатын Қарыз алушыдан микрокредитті мерзімінен бұрын қайтарғаны үшін тұрақсыздық айыбын (айыппұл, өсімақы) және басқа төлемдерді талап етуге;
- 6.4. шағын несие беру туралы шарт бойынша шағын несие сомасын ұлғайтуға;
- 6.5. егер негізгі борышты немесе сыйақыны өтеу күні демалыс немесе мереке күндеріне сәйкес келсе, тұрақсыздық айыбын (айыппұл, өсімпұл) өндіріп алуға және сыйақыны немесе негізгі борышты төлеу одан кейінгі келесі жұмыс күнінде жүзеге асырылады;
- 6.6. кез келген валюталық баламасын көрсете отырып, теңгемен берілген микрокредит бойынша міндеттемелер мен төлемдерді индекстеу.
- 6.7. қарыз алушы – жеке тұлғаның кәсіпкерлік қызметті жүзеге асыруға байланысты емес жылжымайтын мүлік ипотекасымен қамтамасыз етілген микрокредиті бойынша негізгі борыш және (немесе) сыйақы сомалары бойынша төлемдердің кез келгенін өтеу жөніндегі міндеттемені орындаудың мерзімін өткізіп алудың қатарынан күнтізбелік бір жүз сексен күні өткен соң есепке жазылған сыйақыны, сондай-ақ тұрақсыздық айыбын (айыппұлдарды, өсімпұлдарды) төлеуді талап етуге құқылы емес.
- 6.8. несиеленуші – жеке тұлғаның кәсіпкерлік қызметті жүзеге асыруға байланысты емес шағын несиесі бойынша негізгі борыш және (немесе) сыйақы сомалары бойынша

төлемдердің кез келгенін өтеу жөніндегі міндеттемені орындаудың мерзімін өткізіп алуының қатарынан күнтізбелік тоқсан күні өткен соң тұрақсыздық айыбын (айыппұлдарды, өсімпұлдарды) есепке жазуға және талап етуге құқылы емес.

Осы тармақтың талабы шағын несие беру туралы шартқа, егер оны жасасу күні негізгі борыш сомасы тіркеуге жататын мүлік кепілімен және (немесе) ақша кепілімен толық қамтамасыз етілген болса, қолданылмайды.

6.9. Кепіл заттарды қолдануға және пайдалануға құқылы емес.

6.10. Берешек коллекторлық агенттіктің сотқа дейінгі өндіріп алуында және қарауында болған кезеңде Қарыз алушының берешегін өндіріп алу туралы талап-арызбен сотқа жүгінуге, көрсетілген кезеңде есептелген сыйақының төленуін талап етуге, сонымен қатар аталмыш кезеңде негізгі борышты және сыйақыны уақытылы өтемегені үшін тұрақсыздық айыбын (айыппұл, өсімақы) есептеуге.

7-бап. Шарттың талаптарына өзгерістер енгізу тәртібі

7.1. МҚҰ шарттың талаптарын, қарыз алушы үшін оларды жақсарту жағдайларын қоспағанда, біржақты тәртіппен өзгертуге құқылы емес.

Қарыз алушы үшін Шарттың талаптарын жақсарту ретінде мыналар түсініледі:

- тұрақсыздық айыбын (айыппұл, өсімақы) азаю жағына қарай өзгерту немесе толық күшін жою;
- шарт бойынша сыйақы мөлшерлемесін азаю жағына қарай өзгерту.

МҚҰ жақсартушы шарттарды қолданған жағдайда Қарыз алушы Шартта көзделген тәртіпте Шарт талаптарының өзгеруі туралы хабардар болады.

7.2. МҚҰ біржақты тәртіппен өзгерістер мен толықтырулар енгізуге құқылы болған кезде, Қарыз алушы үшін шарттың талаптарын жақсарту жағдайларын қоспағанда, Тараптар Шартқа қосымша келісім жасасу арқылы оны өзгертуі және толықтыруы мүмкін.

7.3. Қарыз алушы-жеке тұлғаның шарт талаптарына өзгерістер енгізу туралы өтінішін қарау тәртібі:

Қарыз алушы микрокредит беру туралы шарттың талаптарына өзгерістер енгізу туралы өтінішті (бұдан әрі – өтініш) Шарттың 3-бабы 3.1 тармағының 3.1.5 тармақшасына сәйкес МҚҰ береді.

Қарыз алушының өтініші міндетті түрде қабылдануға, тіркелуге, есепке алынуға және МҚҰ қарауына жатады.

Қарыз алушы толық емес мәліметтер мен құжаттарды ұсынған кезде МҚҰ оларды қайта сұратады.

Қарыз алушы сұратылған құжаттарды 5 (бес) жұмыс күні ішінде ұсынады.

Сұратылған құжаттарды көрсетілген мерзімде ұсынбау қарыз алушының өтінішін қараусыз қалдыру үшін негіз болып табылады, бұл туралы тиісті хабарлама жіберіледі.

МҚҰ қарыз алушының өтінішін алған күннен кейін күнтізбелік 15 (он бес) күн ішінде микрокредит беру туралы шарттың талаптарына ұсынылған өзгерістерді қарайды және жазбаша нысанда не микрокредит беру туралы шартта көзделген тәсілмен қарыз алушыға:

1) микрокредит беру туралы шарттың талаптарына ұсынылған өзгерістермен келісетіні туралы;

2) берешекті реттеу жөніндегі өз ұсыныстары туралы;

3) микрокредит беру туралы шарттың талаптарын өзгертуден бас тарту себептерінің уәжді негіздемесін көрсете отырып, мұндай бас тарту туралы хабарлайды.

МҚҰ микрокредит беру туралы шарттың талаптарына ұсынылған өзгерістермен келісетіні туралы шешім қабылдаған кезде микрокредит беру туралы шарттың талаптарына өзгерістер енгізу тәртібі мен мерзімдері МҚҰ ішкі құжатында айқындалады, бұл ретте мұндай өзгерістерді енгізу мерзімі МҚҰ осындай шешім қабылдаған күннен бастап күнтізбелік 15 (он бес) күннен аспайды.

МҚҰ микрокредит беру туралы шарттың талаптарын өзгерту бойынша өз ұсыныстарын жіберген кезде қарыз алушының МҚҰ ұсынған микрокредит беру туралы шартты өзгерту

талаптарына жауап беру мерзімі МҚҰ-ның хатында көрсетіледі және қарыз алушы МҚҰ-ның шешімін алған күннен бастап кемінде күнтізбелік 15 (он бес) күнді құрайды.

7.4. Тараптардың Шартпен реттелмеген қатынастары Қазақстан Республикасының заңнамасымен реттеледі.

8-бап. Қарыз алушының куәландырулары мен кепілдіктері

8.1. Қарыз алушы келесілерді куәландырады және кепілдендіреді:

8.1.1. Осы шартты түзуге, жасауға әрі орындауға үшінші жақтар мен мемлекеттік мекемелер тарапынан рұқсатнамалардың және келісімдердің, Қазақстан Республикасының қолданысындағы заңнамаларына сәйкес барлық санкцияларының бар екендігіне.

8.1.2. Осы шарт бойынша өз міндеттеріне жауап беруге кедергі келтіретін жағдайлардың жоқ екендігіне, ондай жағдайлар туындаған сәттен бастап 3-күн ішінде МҚҰ-на жазбаша түрде хабардар ететіндігіне.

8.1.3. Осы шартты түзу сәтіндегі Несиеленуші-нің үшінші жақтармен қарым-қатынастары Шартқа қол қоюға ешқандай-да кедергі келтірмейтіндігіне және ешқандай шектеулер мен тиымдар салмайтындығына.

8.1.4. Шарт бойынша МҚҰ тиесілі барлық төлемдер үшінші жақтардың кез-келген талаптарынан тәуелсіз және Несиеленушімен бірінші кезекте орындалатындығына.

8.1.5. Кез-келген үшінші жақтар мен басқа да несие берушілер тарапынан келтірілген Кінарат артулар (талаптар, даттар, шағымдар) Несиеленуші тарапынан осы шарт талаптарын орындау мүмкіндігіне кедергі болмайтындығына. Осы шарт талаптары орындалмаған жағдайда Несиеленуші кез-келген үшінші жақтар алдарындағы міндеттемелерімен байланысты кез-келген жағдайларға сүйенуіне құқығы жоқ екендігіне және ол жағдайлар МҚҰ үшін, осы шартта көрсетілген өз құқықтарын жүзеге асыру үшін кедергі болмайтындығына.

8.2. Қарыз алушы-заңды тұлға келесілерді куәландырады және кепілдендіреді:

1) Шарт бойынша Қазақстан Республикасының заңнамасымен немесе құрылтай құжаттарымен тыйым салынбаған кез келген қызмет түрлерін жүзеге асыруға қажетті құқықтық қабілеттікке және әрекет қабілеттігіне иелік етеді, құқықтарды иеленеді және міндеттер көтереді;

2) Шартты жасау мен орындау Қарыз алушының басқарма органдарымен тиісті түрде рұқсат етілген және Қазақстан Республикасының заңнамасына, Қарыз алушының құрылтай құжаттарына, сондай-ақ оның бұрын жасалған келісімдеріне қайшы келмейді. Қарыз алушының жарғылық капиталында елеулі (МҚҰ пікірі бойынша) қатысу үлесіне ие Қарыз алушы қатысушыларының құрамы осы Шартты жасаған күні өзгермейді және МҚҰ-ның алдын ала жазбаша келісімінсіз бұдан әрі де өзгермейді;

3) Шартты және осы Шартпен байланысты басқа да шарттарды жасауға талап етілген барлық рұқсаттар мен келісімдер алынды;

4) Қарыз алушының құқықтық мәртебесі өзгерген жағдайда, Қарыз алушы осы Шарт және оған қатысты келісімдер бойынша барлық міндеттемелерді құқықтық мирасқор иеленуі үшін барлық әрекеттерді қабылдауы керек;

5) қарыз алушы банкроттық, құқығын қалпына келтіру, қайта құрылу, жойылу жағдайында немесе нәтижесінде Қарыз алушы қызметінің тоқтатылуы мүмкін өзге де жағдайларда болмауы және аталған жағдайлар туралы мемлекеттік құзыретті органдарға, оның ішінде сотқа іс қозғау үшін өтініштер (немесе қатынастың өзге де түрлері) түспеуі;

6) Қарыз алушымен бұдан бұрын, оның ішінде үшінші тұлғалармен жасаған мәмілелер бойынша міндеттемелердің елеулі түрде бұзылмауы;

7) жауапкер (қосалқы жауапкер) ретінде сот талқылауында болмауы;

8) Қарыз алушының растаушы құжаттарды ұсыну арқылы МҚҰ-мын ескертпеген Қарыз

алушының салық төлемдері, сондай-ақ бюджетке түсетін өзге де төлемдер бойынша берешегінің болмауы;

9) Қарыз алушы растаушы құжаттарды ұсыну арқылы МҚҰ-мын ескертпеген үшінші тұлғалар алдында қарызы, кредиттері, бағалы қағаздары, борыштық міндеттемелері бойынша міндеттемелерінің болмауы;

10) бизнесіне, қаржылық жағдайына, активтеріне және Шарт бойынша өз міндеттемелеріне жауап беру мүмкіндігіне елеулі кері әсерін тигізуі мүмкін міндеттемелерінің болмауы;

11) Шарт бойынша Қарыз алушының және/немесе үшінші тұлғалардың ұсынған (ұсынылатын) қамтамасыз етулері Қазақстан Республикасының заңнама талаптарына сәйкес рәсімделген, тиісті күйде болып табылады және қолда бар, сонымен қатар қамтамасыз етілудің жоғалу, бүліну немесе жойылу қаупі болмауы; Қарыз алушы және/немесе үшінші тұлғалардың қамтамасыз ету шарттары бойынша міндеттемелері тиісті жағдайда орындалатын болады;

12) Шартты жасаған сәтте оны бұзуға, орындамауға, жарамсыз деп тану мүмкіндігіне себеп боларлық негіз жоқтығын растайды;

13) МҚҰ-на ұсынған қаржылық есептіліктің қолданыстағы мемлекеттік (және халықаралық) есепке алу және есептілік стандарттарына сәйкестігіне, сондай-ақ аталған есептіліктің шынайылығына жауап береді;

14) Шарттың және Шарт аясында жасалатын өзге де шарттардың талаптары оған түсінікті, адасушылық, соның ішінде келісімнің дәлелінде жаңылысу орын алмаған және жоғарыда келтірілген шарттардың талаптары оны кіріптар етпейді.

9 бап. «Даму» кәсіпкерлікті дамыту қоры» АҚ жүзеге асыратын «Микро, шағын және орта кәсіпкерлік субъектілерін екінші деңгейдегі банктер және микроқаржы ұйымдары арқылы Азия Даму Банкінің қарызы есебінен қаржыландыру» бағдарламасының аясында микрокредит беру шарттары

1) АДБ - Азия Даму Банкі;

2) **Қор** – «Даму» кәсіпкерлікті дамыту қоры» акционерлік қоғамы»;

3) **ҚР ҰБ** – Қазақстан Республикасының Ұлттық Банкі;

4) **Жоба** - осы Шарт бойынша берілген микрокредит қаражаты есебінен Қарыз алушы іске асыратын бизнес жоба;

5) **Сенім білдірілген агент** - Мемлекеттік кепілдік беру туралы келісім бойынша Қазақстан Республикасының Қаржы министрлігі үшін сенім білдірілген агент функцияларын орындайтын «Оңалту және активтерді басқару компаниясы» АҚ;

6) **Қордың жалғыз акционері** – «Бәйтерек» ұлттық басқарушы холдингі» акционерлік қоғамы»;

7) **Кредиттік келісім** – «Микро, шағын және орта кәсіпкерлік субъектілерін екінші деңгейдегі банктер және микроқаржы ұйымдары арқылы Азия Даму Банкінің қарызы есебінен қаржыландыру» Өніміне қатысу туралы кредиттік келісім;

8) **Бағдарлама** - «Даму» кәсіпкерлікті дамыту қоры» АҚ іске асыратын микро, шағын және орта кәсіпкерлік субъектілерін екінші деңгейдегі банктер және микроқаржы ұйымдары арқылы Азия Даму Банкінің қарызы есебінен қаржыландыру бағдарламасы;

9) **Аффилирленген тұлғалар:**

1) Қарыз алушының ірі қатысушысы;

2) Қарыз алушының ірі қатысушысы не лауазымды тұлғасы болып табылатын тұлға бақылайтын заңды тұлға;

3) Қарыз алушының ірі қатысушысы не лауазымды тұлғасы болып табылатын тұлға ірі қатысушы болып табылатын не мүліктегі тиісті үлеске құқығы бар заңды тұлға;

4) Қарыз алушы ірі қатысушы болып табылатын немесе мүліктегі тиісті үлеске құқығы бар заңды тұлға;

5) Қарыз алушымен бірлесіп үшінші тұлғаның бақылауында болатын заңды тұлға;

- 6) Қарыз алушы қабылдайтын шешімдерді айқындауға құқылы шартқа Қарыз алушымен байланысты тұлға;
- 7) осы ұйғарымның 1), 3) - 6) тармақшаларында көрсетілген заңды тұлғалардың қатысу үлестерінің он және одан көп процентін дербес немесе өзінің аффилиирленген тұлғаларымен бірлесіп иеленетін, пайдаланатын, оларға билік ететін заңды тұлға;
- 8) Қазақстан Республикасының заңнамасында айқындалған өзге де тұлғалар.

9.1. Шартқа қол қоя отырып, Қарыз алушы МҚҰ-ға микрокредит беру құпиясын құрайтын мәліметтерді, сондай-ақ Бағдарламаға қатысу үшін дербес деректерді ұсынуға келісім береді.

9.2. Қарыз алушының міндеттері:

1) Қордың өкілдерін, оның ішінде АДБ/ҚРҰБ/сенім білдірілген агенттің өкілдерімен бірлесіп, Жобаларды іске асыру орындарына жіберуді қамтамасыз етуге, сондай-ақ олардың талап етуі бойынша микрокредитті игеру және оны мақсатты пайдалану туралы кез келген құжаттар мен ақпаратты ұсынуға міндетті. Бұл ретте Қарыз алушылардың Жобаларын іске асыру мониторингі жарты жылда кемінде 1 (бір) рет жүргізілуі мүмкін;

- Шарт бойынша берілген микрокредит қаражаты есебінен сатып алынатын/салынған негізгі құралды өзіне ресімдеу;

2) ұзақ мерзімді активті сатып алу-сату мәмілесі бұзылған немесе Шарт бойынша берілген микрокредит қаражаты есебінен сатып алынған ұзақ мерзімді активті иеліктен шығарған жағдайда, мұндай бұзу/иеліктен шығару фактісі болған күннен бастап 3 (үш) жұмыс күні ішінде МҚҰ-ға хабарлау;

3) тиісті ынтамен және тиімділікпен, сондай-ақ қолданылатын мақсатқа сай техникалық, қаржылық, іскерлік және дамыту стандарттарына сәйкес Жобаны жүзеге асыру және іске асыру, оның ішінде тиісті шоттар мен жазбаларды жүргізу;

4) тауарларды, жұмыстарды және консультациялық қызметтерді тек қана Жобаны іске асыру мақсатында сатып алу;

5) Жобаны іске асыру барысында негізгі еңбек стандарттарын (Халықаралық Еңбек Ұйымының тиісті конвенцияларында жазылғандай) және Қазақстан Республикасының қолданыстағы заңнамасын, оның ішінде жұмыс орнындағы қауіпсіздік нормаларын сақтауды қамтамасыз ету;

6) микрокредит қаражаты есебінен қаржыландырылатын барлық тауарлар, жұмыстар мен консультациялық қызметтер Сатып алу жөніндегі нұсқаулықтың және Консультациялық қызметтерді тарту жөніндегі нұсқаулықтың тиісті ережелерінде қамтылған АДБ-ның сатып алу жөніндегі саясатына сәйкес сатып алуға жататындығы туралы шартты сақтау;

7) микрокредит есебінен қаржыландырылатын барлық тауарлар, жұмыстар және/немесе консультациялық қызметтер үнемдеу және тиімділік қағидатын ескере отырып және сыбайлас жемқорлықтың, алаяқтықтың, ымыраласудың немесе онымен Қарыз алушының мәжбүрлеудің қандай да бір тәжірибесін тартпай, әдеттегі коммерциялық практикаға сәйкес сатып алынғаны туралы шартты сақтау;

8) Қарыз алушының сатып алуына жататын барлық тауарлар мен жұмыстар (оның ішінде жеке сатып алынған немесе басқа сатып алынатын тауарлар мен жұмыстарға енгізілген болсын, барлық компьютерлік жабдықтар, бағдарламалық жасақтама мен жүйелер шектеусіз) кез келген өнеркәсіптік немесе зияткерлік меншік құқықтарын немесе кез келген үшінші тұлғалардың құқықтарын бұзбауы немесе оларға қысым жасалмауы туралы шартты сақтау;

9) тауарлар мен жұмыстарды сатып алу үшін Қарыз алушымен жасалатын барлық келісім-шарттарда тиісті растаулар, кепілдіктер және қажет болған жағдайда мердігерден немесе жеткізушіден өтемақылар болуы туралы шартты сақтау;

10) Қарыз алушы консультанттармен жасайтын барлық келісім-шарттарда тиісті растамалардың, кепілдіктердің және қажет болған жағдайда консалтингтік қызметтер меншіктің кез келген өнеркәсіптік немесе зияткерлік құқықтарын немесе кез келген

үшінші тұлғалардың құқықтарын бұзбайтындығын немесе шектемейтіндігін куәландыру үшін консультанттардан өтемақылардың болуы туралы шартты сақтау;

11) әрбір Жобаны дайындау, жобалау, салу, енгізу, пайдалану және пайдаланудан шығару кезінде (а) қоршаған орта, денсаулық және қауіпсіздік мәселелері бойынша Қазақстан Республикасының барлық қолданылатын заңдары мен нормативтік-құқықтық актілері; (б) ЭШСУ; (с) ЭЭББ, және (д) тиісті ЭЕМ-де жазылған барлық шаралар мен талаптар (В санатындағы жобалар үшін) және экологиялық және әлеуметтік мониторинг бойынша есепте жазылған кез келген түзетуші немесе алдын алу шаралары сақталатыны туралы шартты қадағалау;

12) егер тауарларды/жұмыстарды/қызметтерді сатып алудың өзге мерзімі Қарыз алушы контрагентпен жасаған тиісті шартта көзделмесе, микрокредит берілген күннен бастап 6 (алты) ай ішінде оны нысаналы мақсаты бойынша пайдалану.

Негізгі құралдарды жаңғыртуға және жаңасын сатып алуға микрокредит берілген жағдайда Қарыз алушы тиісті ақша сомаларымен шығыстардың баптарын нақтылай отырып, микрокредиттің мақсатты пайдаланылуын ашып жазуды жүргізуге міндетті. Нысаналы пайдаланудың көрсетілген толық жазылуы Шартқа № 1-1 қосымшада көрсетілген;

13) беделді сақтандыру компаниялары арқылы адал іскерлік практика қағидаттарына сәйкес келетін мөлшерде және жоғарыда айтылғандарға қатысты қандай да бір шектеулерсіз сақтандыру, осындай сақтандыру шетелден тауарларды сатып алумен, тасымалдаумен және жеткізумен байланысты сақтандыру жағдайларын жабуы тиіс немесе егер пайдалану орнымен немесе орнатумен байланысты кепілгердің нормативтері осыны талап етсе және кез келген осындай сақтандыру үшін өтеу осындай тауарларды алмастыру немесе жөндеу үшін еркін пайдаланылатын валютада төленеді.

9.3. МҚҰ:

1) төменде берілген қызметті жүзеге асыратын немесе ондай қызметке тартылған Қарыз алушыларға микрокредит беруге құқықсыз:

- мәжбүрлі еңбектің немесе балалар еңбегінің зиянды немесе пайдаланушылық түрлері тартылған өндіріс немесе қызмет;

- қабылдаушы елдің заңдары мен ережелері немесе халықаралық конвенциялар мен келісімдер шеңберінде заңсыз деп саналатын немесе келесілер секілді өндірістен халықаралық біртіндеп алынатын немесе тыйым салынатын кез келген өнімді немесе қызметті өндіру немесе сату: (I) фармацевтикалық өнімдер, пестицидтер мен гербицидтер, (II) озонды бұзатын заттар, (III) полихлорланған бифенилдер және өзге де қауіпті химикаттар, (iv) құрып кету қаупі төнген жабайы фауна мен флора түрлерімен халықаралық сауда туралы Конвенция шеңберінде реттелетін жабайы табиғат объектілері мен өнімдері және (v) қалдықтарды трансшекаралық сату;

- әскерилендірілген материалдарды қоса алғанда, қаруды немесе амуницияны өндіру немесе сату;

- сыра мен шараптан басқа, алкоголь ішімдіктерін өндіру немесе сату;

- темекі өндіру немесе сату;

- құмар ойындар, казино және соған ұқсас кәсіпорындар;

- ядролық реакторлар мен тиісті компоненттерді қоса алғанда, радиоактивті материалдарды өндіру немесе сату;

- байланыспаған асбест талшықты өндіру, сату немесе пайдалану;

- байырғы тропикалық ылғалды ормандарда немесе реликтік ормандарда пайдалану үшін коммерциялық ағаш дайындау қызметі немесе ағаш дайындау жабдықтарын сатып алу;

- ірі масштабтағы осал және қорғалатын түрлерге зиянды және теңіз биоәртүрлілігі мен мекендеу ортасына зиян келтіретін ұсақ ұяшықты желіні қолдана отырып, ауқымды пелагиялық дрефтер кәсіпшілігі және балық аулау сияқты теңіз және жағалау маңындағы балық аулау;

- Қазақстан Республикасының заңнамасымен тыйым салынған кез келген қызмет.

2) төменде берілген қызметті жүзеге асыратын немесе ондай қызметке тартылған Қарыз алушыларға микрокредит беруге құқықсыз:

- қызмет түрі Қазақстан Республикасының еңбек, экология, денсаулық сақтау және қауіпсіздік туралы ережелері мен заңнамасына, сондай-ақ Қазақстан Республикасының әлеуметтік заңнамасына және АДБ-ның қауіпсіздік саясатына сәйкес келмейтін қызмет түрі;

- ЖКӘБ және Қазақстан Республикасының заңнамасын сақтау мақсатында жобаның мәжбүрлі қоныс аударуға немесе тұрғылықты халықтарға әсер етуіне ықпал етпеуі тиіс. Жоғарыда баяндалғанның жалпы мағынасын шектемей, МҚҰ жер сатып алу немесе беру мүдделі тараптар арасында жүзеге асырылатын және жеке меншікті мәжбүрлеп иеліктен шығаруға болмайтын кез келген мүдделілікті көздейтін кез келген ұсынылған Жобаға қатысты қамтамасыз етуі тиіс; және

- Жоба ЖӨМ мәндері мен анықтамаларын сақтау мақсатында "А" санаты ретінде жіктелуі мүмкін қоршаған ортаға әсерге ие болмауы тиіс және Кредиттік келісімге №11 Қосымшада баяндалған экологиялық және қорғау шараларына сәйкес келеді;

- заңды тұлғалардың жарғылық капиталдарына қатысу;

- Қарыз алушылардың бұрын келтірілген шығындарын өтеу, Қарыз алушылардың жеке және (немесе) заңды тұлғалардан, оның ішінде қатысушылардан, акционерлерден, лауазымды тұлғалардан және Қарыз алушылардың қызметкерлерінен қаржылық көмек алуына байланысты туындаған берешекті өтеу;

- тұтынушылық кредит беру;

- құрылтайшыларға (оның ішінде Қарыз алушының қатысушыларына, акционерлеріне) дивидендтер төлеу;

- Қарыз алушылардың шаруашылық қызметінің шығындарын жабу;

- сенімгерлер (агенттер) қызметтерінің төлемі.

Сенім білдірілген (агент) тапсырма шарты негізінде кредитордың (сенім білдірушінің) немесе бюджеттік бағдарлама әкімшісінің атынан және есебінен және оның нұсқауларына сәйкес бюджеттік кредит беруге байланысты белгілі бір тапсырмаларды (бюджеттік кредиттерге қызмет көрсету, қарыз алушылармен есеп айырысуды жүргізу, Қарыз алушылар мен Жобаларға мониторинг жүргізу, берешекті және т. б. өндіріп алу) жасайтын тұлға болып табылады;

- Қарыз алушының микрокредитімен байланысты комиссияларды, алымдарды және (немесе) өзге де төлемдерді төлеу;

- бағалы қағаздарды сатып алу (портфельдік инвестициялар);

- аффилирленген/байланысты компаниялардан/тұлғалардан негізгі құралдарды, активтерді сатып алу;

- Қор қаражаты қаржыландыру көзі болып табылатын Қарыз алушылардың қолданыстағы қарыздарын/кредиттерін қайта қаржыландыру;

- моторлы көлік құралдарын шығаруды көздейтін Жобаларды қоспағанда, акцизделетін тауарларды немесе өнімдерді шығаруды және көтерме сатуды көздейтін мақсаттарға;

- қаруды (оның ішінде қару өндіру үшін құрамдас), құрамында есірткі бар заттарды немесе азаматтық айналымнан алынған басқа да мүлікті өндіруді немесе жеткізуді көздейтін Жобаларды іске асыру;

- ойын бизнесін ұйымдастыруды және (немесе) дамытуды көздейтін Жобаларды іске асыру;

- Қазақстан Республикасының заңнамасымен тыйым салынған террористік және кез келген өзге қызметпен байланысты қызметті көздейтін Жобаларды іске асыру;

- Офшорлық аймақтарда тіркелген немесе офшорлық аймақтарда банктік шоттары бар немесе офшорлық аймақтарда тіркелген немесе Офшорлық аймақтардың резиденттері болып табылатын тұлғалардың тікелей немесе жанама бақылауындағы контрагенттердің пайдасына кез келген шарттарды/келісімшарттарды/келісімдерді төлеу;

- мемлекеттік меншіктегі жер теліміндегі құрылыс жағдайларын қоспағанда,

үшінші тұлғаларға, соның ішінде Қосалқы қарыз алушыға ресімделетін мүлкті/активтерді сатып алу, сондай-ақ үшінші тұлғаларға тиесілі жер телімінде объектіні салуды жүзеге асыру;

- Қазақстан Республикасының азаматтық заңнамасына сәйкес анық жалғандық немесе көлгірсу белгілері бар мәмілелерге ақы төлеу;

- осындай айырбастау күніне Жобаның мақсатына сәйкес активтерді, жұмыстарды, қызметтерді сатып алуға арналған тиісті келісімшарт (шарт) болмаған жағдайда, айырбастау сомасына микрокредитті шетел валютасына ішінара/толық айырбастау.

9.4. Қарыз алушы МҚҰ-ға ол туралы ақпаратты кредиттік бюроларға беруге және МҚҰ-ның кредиттік бюросынан және/немесе Қорға кредиттік есепті беруге жазбаша келісім береді. Бұл ақпарат тегін, атын, әкесінің атын (егер бар болса), туған күні мен жерін, тұрғылықты жерін, жеке басын куәландыратын құжаттың нөмірі мен күнін, микрокредит туралы мәліметтерді, Қарыз алушының міндеттемелерін орындауды қамтамасыз ету тәсілдері мен борышының сомасын қамтиды. Қарыз алушының жазбаша келісімімен көрсетілген ақпарат кредиттік бюроға айына кемінде бір рет беріледі. Кредиттік есептегі ақпаратты кредиттік бюро МҚҰ және/немесе Қордың сұратуы бойынша береді. МҚҰ және Қор кредиттік бюродан алынған кредиттік есептегі Қарыз алушы туралы ақпараттың құпиялылығына кепілдік береді

9.5. Осы арқылы Қарыз алушы Қазақстан Республикасы Қаржы министрлігінің Мемлекеттік кіріс комитетіне Қорға салықтық құпия болып табылатын, Қарыз алушының қызметіне қатысты мәліметтерді төмендегілерге сәйкес беруге келісім береді:

- салық салуға жатпайтын табыстарды және түзетуді ескере отырып, салық кезеңінде жиынтық алынған табыс;

- сатылған тауарлар (жұмыстар, қызметтер) бойынша шығыстар;

- шетелдік көздерден алынатын кірістер;

- тартқан шығындарды ескере отырып салық салынатын кіріс;

- салық салынатын кірістен жеке табыс салығы;

- қызметкерлердің есептелген табыстары және жеке тұлғаларға өзге де төлемдер бойынша шығыстар;

- қызметкерлер саны/қызметкерлердің орташа тізімдік саны;

- бір қызметкерге орташа айлық жалақы;

- салық төлемдерінің сомасы (корпоративтік табыс салығы, қосылған құн салығы, әлеуметтік салық, жеке табыс салығы бойынша шығыстарды қоса алғанда).

9.6. Осы арқылы Қарыз алушы МҚҰ-ға Шарт бойынша құқықты (талап етуді) Қазақстан Республикасының заңнамасында белгіленген тәртіппен Қор айқындайтын үшінші тұлғалардың пайдасына, сондай-ақ егер мұндай құқық Қазақстан Республикасының заңнамасында көзделген болса, Қордың пайдасына беруге келісім береді.

9.7. Шартқа қол қоя отырып, Қарыз алушы МҚҰ-ға микрокредит беру құпиясын құрайтын мәліметтерді, сондай-ақ Бағдарламаға қатысу үшін дербес деректерді ұсынуға келісім береді.

9.8. Қор:

1) Қарыз алушыдан микрокредитті игеру және мақсатты пайдалану туралы қосымша ақпаратты, оның ішінде Қарыз алушының МҚҰ-дан микрокредит алғанын және оның қандай мақсаттарға берілгені туралы сұрауға;

2) Жобаны іске асыру орнына барып, оның ішінде АДБ/ҚРҰБ/сенім білдірілген агенттің өкілдерімен бірлесіп, Шартқа берілген микрокредитті Қарыз алушының мақсатты пайдалануына мониторингті жүзеге асыруға;

3) Жалғыз акционерге/АДБ/ҚРҰБ/сенім білдірілген агентке микрокредит беруге, игеруге, мақсатына сай пайдалануға байланысты ақпаратты беруге **құқылы**.

10- бап. «Даму» кәсіпкерлікті дамыту қоры» АҚ жүзеге асыратын «Кәсіпкерлік қызметті атқаратын/атқаруды жоспарлаған микро және шағын жеке кәсіпкерлік субъектілерін және жеке тұлғаларды кейінгі қаржыландыру үшін микроқаржылық

**ұйымдарда қаражатты шартты орналастыру» бағдарламасының (Даму-Микро)
аясында микрокредит алатын Қарыз алушыларға қолданылатын шарттары**

10.1. Ұғымдар:

- 1) **Қор** – «Даму» кәсіпкерлікті дамыту қоры» акционерлік қоғамы;
- 2) **ҚР ҰБ** – Қазақстан Республикасының Ұлттық Банкі;
- 3) **Жоба** – Микрокредит беру туралы шарт бойынша алынған Микрокредит қаражаты есебінен Соңғы қарыз алушы жүзеге асыратын/жүзеге асыруды жоспарлаған бизнес жоба.
- 4) **Қордың жалғыз акционері** – «Бәйтерек» ұлттық басқарушы холдингі» акционерлік қоғамы»;
- 5) **Кредиттік желі туралы келісім** - МҚҰ-ның «Кәсіпкерлік қызметті атқаратын/атқаруды жоспарлаған микро және шағын жеке кәсіпкерлік субъектілерін және жеке тұлғаларды кейінгі қаржыландыру үшін микроқаржылық ұйымдарда қаражатты шартты орналастыру» (Даму-Микро) өніміне қатысуы туралы кредиттік келісім;
- 6) **Бағдарлама** - «Кәсіпкерлік қызметті атқаратын/атқаруды жоспарлаған микро және шағын жеке кәсіпкерлік субъектілерін және жеке тұлғаларды кейінгі қаржыландыру үшін микроқаржылық ұйымдарда қаражатты шартты орналастыру» (Даму-Микро);

10.2. Қарыз алушының міндеттері:

- 1) Қордың өкілдерін Жобаларды іске асыру орындарына жіберуді қамтамасыз ету, сондай-ақ олардың талап етуі бойынша микрокредитті игеру және оны мақсатты пайдалану туралы кез келген құжаттар мен ақпаратты ұсыну.
- 2) Шарт бойынша берілген микрокредит қаражаты есебінен сатып алынатын/салынған негізгі құралды өзіне рәсімдеу;
- 3) ұзақ мерзімді активті сатып алу-сату мәмілесі бұзылған немесе Шарт бойынша берілген микрокредит қаражаты есебінен сатып алынған ұзақ мерзімді активті иеліктен шығарған жағдайда, мұндай бұзу/иеліктен шығару фактісі болған күннен бастап 3 (үш) жұмыс күні ішінде МҚҰ-ға хабарлау;
- 4) аффилиирлену/байланыстылық туындаған күннен бастап 7 (жеті) күннің ішінде өзінің аффилиирленген/байланысты тұлғаларын МҚҰ таныстыру;
- 5) егер тауарларды/жұмыстарды/қызметтерді сатып алудың өзге мерзімі Қарыз алушы контрагентпен жасаған тиісті шартта көзделмесе, микрокредит берілген күннен бастап 6 (алты) ай ішінде оны нысаналы мақсаты бойынша пайдалану.
- 6) микрокредит қаражаты есебінен сатып алынған мүлікті/активтерді үшінші тұлғалардың атына рәсімдемеу, сонымен қатар мемлекеттік меншіктегі жер теліміндегі құрылыс жағдайларын қоспағанда, үшінші тұлғаларға тиесілі жер телімінде объекті салмау.

10.3. МФО құқықсыз:

1) Қарыз алушыларға микрокредитті келесі мақсаттарға беруге:

- 1) заңды тұлғалардың жарғылық капиталдарына қатысу;
- 2) Қарыз алушылардың бұрын келтірілген шығындарын өтеу, Қарыз алушылардың жеке және (немесе) заңды тұлғалардан, оның ішінде Қарыз алушылардың қатысушыларынан, акционерлерінен, лауазымды тұлғаларынан және қызметкерлерінен қаржылық көмек алуына байланысты туындаған берешекті өтеу;
- 3) тұтынушылық кредит беру;
- 4) қарыз алушылардың әрекеттегі қарыздарын қайта қаржыландыру;
- 5) құрылтайшыларға (оның ішінде соңғы Қарыз алушының қатысушыларына, акционерлеріне) дивидендтер төлеу;
- 6) Қарыз алушылардың шаруашылық қызметінің шығындарын жабу (бұл ретте теріс қаржылық нәтижеге ие қарыз алушыларға микрокредиттер беруге рұқсат етіледі);
- 7) сенімді өкіл (агенттер) қызметтерін төлеу.

Сенім білдірілген өкіл (агент) тапсырма шарты негізінде кредитордың (сенім білдірушінің) немесе бюджеттік бағдарлама әкімшісінің атынан және есебінен және оның

нұсқауларына сәйкес бюджеттік кредит беруге байланысты белгілі бір тапсырмаларды (бюджеттік кредиттерге қызмет көрсету, қарыз алушылармен есеп айырысуды жүргізу, Қарыз алушылар мен Жобаларға мониторинг жүргізу, берешекті және т. б. өндіріп алу) жасайтын тұлға болып табылады;

8) Қарыз алушының микрокредитімен байланысты комиссияларды, алымдарды және (немесе) өзге де төлемдерді төлеу;

9) бағалы қағаздарды сатып алу (портфельдік инвестициялар);

10) аффилирленген/байланысты компаниялардан/тұлғалардан негізгі құралдарды, активтерді сатып алу;

11) жалған және бүркеме мәмілелерді төлеу. Мәміленің жалғандығын немесе бүркемелігін сот шешімі анықтайды;

12) Қазақстан Республикасының Қаржы нарығын реттеу және дамыту агенттігі Басқармасының 2020 жылғы 24 ақпандағы №8 Қаулысымен бекітілген Банктік және сақтандыру қызметінің, бағалы қағаздар рыногының кәсіби қатысушылары қызметінің және бағалы қағаздар рыногында лицензияланатын басқа да қызмет түрлерінің, акционерлік инвестициялық қорлар және микроқаржылық қызметті жүзеге асыратын ұйымдар қызметінің мақсаттары үшін Офшорлық аймақтардың тізбесінде (Нормативтік құқықтық актілерді мемлекеттік тіркеу тізілімінде №20095 болып тіркелген) қарастырылған офшорлық аймақтарда тіркелген/ашылған қарсы агенттердің заңды мекенжайы және/немесе банктік шотының деректемелері туралы ақпарат бар кез келген шарттарды/келісімшарттарды/келісімдерді төлеу.

10.4. Қарыз алушы микрокредит беру туралы шартқа қол қоя отырып және осы арқылы МҚҰ-ға ол туралы ақпаратты кредиттік бюроларға беруге және кредиттік бюродан МҚҰ-ға және/немесе Қорға кредиттік есепті беруге жазбаша келісім береді. Бұл ақпарат тегін, атын, әкесінің атын (егер бар болса), туған күні мен жерін, тұрғылықты жерін, жеке басын куәландыратын құжаттың нөмірі мен күнін, микрокредит туралы мәліметтерді, Қарыз алушының міндеттемелерін орындауды қамтамасыз ету тәсілдері мен борышының сомасын қамтиды. Қарыз алушының жазбаша келісінде көрсетілген ақпарат кредиттік бюроға айына кемінде бір рет беріледі. Кредиттік есептегі ақпаратты кредиттік бюро МҚҰ және/немесе Қордың сұратуы бойынша береді. МҚҰ және Қор кредиттік бюродан алынған кредиттік есептегі Қарыз алушы туралы ақпараттың құпиялылығына кепілдік береді.

10.5. Қарыз алушы микрокредит беру туралы шартқа қол қоя отырып және осы арқылы Қазақстан Республикасы Қаржы министрлігінің Мемлекеттік кіріс комитетіне Қорға салықтық құпия болып табылатын, Қарыз алушының қызметіне қатысты мәліметтерді төмендегілерге сәйкес беруге келісім береді:

- **заңды тұлғалар үшін келесі мәліметтер:**

түзетулер енгізілген жиынтық жылдық табыс;

сатылған тауарлар (жұмыстар, қызметтер) бойынша шығыстар;

қызметкерлердің есептелген табыстары және жеке тұлғаларға өзге де төлемдер бойынша шығыстар;

шетелдік көздерден алынатын кірістер; таза табыс;

қызметкерлердің (адамдардың) саны;

салық төлемдерінің сомасы (корпоративтік табыс салығы, қосылған құн салығы, әлеуметтік салық, жеке табыс салығы бойынша шығыстарды қоса алғанда).

- **жеке кәсіпкерлер үшін келесі мәліметтер:**

салық салуға жатпайтын табыстарды және түзетуді ескере отырып, салық кезеңінде жиынтық алынған табыс;

сатылған тауарлар (жұмыстар, қызметтер) бойынша шығыстар; шетелдік көздерден алынатын кірістер;

тартқан шығындарды ескере отырып салық салынатын кіріс; салық салынатын кірістен жеке табыс салығы;

қызметкерлердің есептелген табыстары және жеке тұлғаларға өзге де төлемдер бойынша

шығыстар;

қызметкерлер саны/қызметкерлердің орташа тізімдік саны; бір қызметкерге орташа айлық жалақы;

салық төлемдерінің сомасы (корпоративтік табыс салығы, қосылған құн салығы, әлеуметтік салық, жеке табыс салығы бойынша шығыстарды қоса алғанда).

- шаруашылық қожалықтар үшін келесі мәліметтер:

салық кезеңі үшін есептелген табыстар;

салық кезеңі үшін әлеуметтік аударымдар аударылатын шаруашылық қожалығы басшысының және мүшелерінің табыстары;

салық кезеңі үшін төленген табыстар;

басшыны және кәмелет жасқа толған тұлғаларды қосқанда, шаруашылық қожалық мүшелерінің саны;

шаруашылық қожалық қызметкерлерінің саны;

салық төлемдерінің сомасы (корпоративтік табыс салығы, қосылған құн салығы, әлеуметтік салық, жеке табыс салығы бойынша шығыстарды қоса алғанда);

- Қазақстан Республикасының заңнамасына сәйкес жеке кәсіпкер ретінде мемлекеттік тіркеусіз кәсіпкерлік қызметті жүзеге асыратын жеке тұлғалар үшін:

бірыңғай жиынтық төлемді төлеу;

жиынтық жылдық кіріс түзетілген; таза кіріс;

сатылған өнімнің (жұмыстардың, қызметтердің) шығындары;

салық төлемдерінің сомасы (әлеуметтік қамсыздандыру шығыстарын және жеке табыс салығын қосқанда).

10.6. Қарыз алушы микрокредит беру туралы шартқа қол қоя отырып және осы арқылы МҚҰ-ға Шарт бойынша құқықты (талап етуді) Қазақстан Республикасының заңнамасында белгіленген тәртіппен Қор айқындайтын үшінші тұлғалардың пайдасына, сондай-ақ егер мұндай құқық Қазақстан Республикасының заңнамасында көзделген болса, Қордың пайдасына беруге келісім береді, сонымен қатар аталмыш тұлғаларға коммерциялық және заңмен қорғалатын өзге құпияны құрайтын ақпаратты ұсынуға келісім береді.

10.7. Қарыз алушы микрокредит беру туралы шартқа қол қоя отырып және осы арқылы Микрокредитті алумен, игерумен, Микрокредит беру туралы шарттың аясында Микрокредитті нысаналы мақсаты бойынша пайдаланумен байланысты мәліметтерді, соның ішінде коммерциялық құпияға жататын мәліметтерді Қорға, Қордың Жалғыз акционеріне ұсыну үшін МҚҰ-ға жазбаша келісім береді;

10.8 Қарыз алушы микрокредит беру туралы шартқа қол қоя отырып және осы арқылы жеке тұлғалардың дербес деректерін жинауды және өңдеуді қосқанда, Қордың қарыз алушыға қатысты деректерді жинауына және өңдеуіне, сонымен қатар Қордың Кредиттік желі туралы келісімнің №11 Қосымшасының 1,2 және 3 нысандарына сәйкес қарыз алушы туралы мәліметтерді мүдделі тұлғаларға (Қазақстан Республикасының Үкіметіне, мемлекеттік органдарға және ұйымдарға) беруіне жазбаша келісім береді.

10.9. Қарыз алушы шартқа қол қоя отырып, МҚҰ-ға микрокредит беру құпиясын құрайтын мәліметтерді және басқа да заңмен қорғалатын мәліметтерді, сонымен қатар Бағдарламаға қатысу үшін дербес деректерді Қорға ұсынуына келісім береді.

10.10.Қор құқылы:

10.10.1. МҚҰ/қарыз алушының ұйымдастыруымен Жобаны жүзеге асыру орнына барып, Қарыз алушының бағдарлама аясында Микрокредит беру туралы шарт бойынша алынған микрокредиттің нысаналы мақсаты бойынша пайдаланылуына мониторинг жасауға құқылы.

10.10.2. МҚҰ қаржыландыраған қарыз алушыдан микрокредитті мақсатты пайдалану туралы қосымша ақпарат сұрауға, соның ішінде, қарыз алушы МҚҰ-дан микрокредит алды ма және мұндай микрокредит қандай мақсаттар берілгені туралы ақпарат.

11. МҚҰ қызметкерлеріне микрокредит беру талаптары

11.1. Қазақстан Республикасының еңбек заңнамасымен көзделген кез келген негіздер бойынша Қарыз алушы мен МҚҰ арасындағы еңбек қатынастары тоқтатылған жағдайда, осы Шарттың әрекеті Қарыз алушының МҚҰ-дағы соңғы жұмыс күнінен бастап мерзімінен бұрын тоқтатылады.

11.2. Қарыз алушы еңбек шарты тоқтатылған күннен бастап 5 (бес) жұмыс күні ішінде МҚҰ-ға негізгі борыш сомасын, Шарттың тоқтатылу күніне есептелген тұрақсыздық айыбын және сыйақыны қосқанда, барлық берешек сомасын мерзімінен бұрын қайтаруға міндетті.

11.3. Еңбек шарты тоқтатылу күніне дейін 10 (он) жұмыс күнінен кешіктірмей, Қарыз алушы МҚҰ-ға еңбек қатынастарын тоқтату күнінен бастап сыйақы мөлшерлемесін өзгерту (ұлғайту) және оны еңбек шартын бұзу күнінде әрекет ететін МҚҰ Тарифтік Комитеттің/ Компания Басқармасының шешімімен бекітілген мөлшерде белгілеу шартында Шартты тоқтатпау туралы өтініш беруге құқылы.

11.4. МҚҰ Қарыз алушымен еңбек қатынастарын тоқтатқаннан кейін Шарттың әрекетін жалғастыруға (тоқтатпауға) келіскен жағдайда, Тараптар Шартқа тиісті қосымша келісімді жасайды (қол қояды).

11.5. МҚҰ Қарыз алушымен еңбек қатынастарын тоқтатқаннан кейін Шарттың әрекетін жалғастырудан ешбір себепсіз және негізсіз бас тартуға құқылы, Қарыз алушымен еңбек шартын тоқтату күніне дейін МҚҰ қол қойған Шартқа қосымша келісімнің болмауы Шартты жалғастырудан МҚҰ бас тартуы болып саналады және Қарыз алушы осы тармақтың 11.2. тармақшасына сәйкес МҚҰ берешек сомасын МҚҰ-ға мерзімінен бұрын қайтаруға міндетті.

12-бап. Өзге талаптар

12.1. МҚҰ Шарт бойынша құқықтарды (талап ету) үшінші тұлғаға берген жағдайда Шарттың аясында Қарыз алушымен кредитордың өзара қарым-қатынасына Қазақстан Республикасының заңнамасымен қойылатын шектеулер мен талаптар құқық (талап ету) берілген үшінші тұлғамен Қарыз алушының қатынасына тарайды.

12.2. Шартпен және заңнамамен талап етілетін немесе көзделген барлық хабарламалар және басқа хаттар, Шартпен белгіленген тәртіпте басқа мекенжайлар берілмесе, Тараптармен осы Шартта көрсетілген мекенжайларға және деректемелер бойынша жіберілуі тиіс. Тараптармен берілетін барлық хабарламалар екінші Тараппен алынған болып саналады:

- егер олар жеке қолына табыс етілсе – хабардың көшірмесінде немесе телнұсқасында алушы Тарап (кез келген қызметкері) көрсеткен алу күнінде; немесе

- егер пошта немесе курьерлік қызмет арқылы жіберілсе – пошта ұйымының мөртабанына немесе курьерлік қызметтің хабарламасына сәйкес жіберу күнінде; немесе

- егер электрондық пошта немесе мессенджерлер арқылы жіберілетін болса – сервер/бағдарлама/оператор тіркеген хабарламаның жеткізілген күні; немесе

- егер олар Қарыз алушы көрсеткен телефонның мобильді нөміріне SMS-хабарлама арқылы жіберілсе – SMS жіберу күні.

12.3. Шартқа кез келген келісімдер мен қосымшалар оның ажырамас бөлігін құрайды.

12.4. Осы Шарттың бір бөлігін жарамсыз деп тану олардың басқа бөліктерінің жарамсыз болуына әкеп соқпайды.

12.5. Шарт бойынша туындайтын барлық даулар Қазақстан Республикасының заңнамасында көзделген тәртіппен шешіледі. МҚҰ Шарт бойынша туындаған дау бойынша Қарыз алушының тұрғылықты жері бойынша немесе МҚҰ мемлекеттік тіркелген жері немесе оның филиалының орналасқан жері бойынша сотқа талап қоюға құқылы және Қарыз алушы өзінің келісімін береді. Шарт бойынша дауды қарау үшін сотты МҚҰ таңдайды.

12.6. МҚҰ пошталық мекенжайы: 160011, Шымкент қаласы, Әл-Фараби ауданы, Ахмет Байтұрсынов көшесі, ғимарат №10/2;

МҚҰ электронды мекенжайы: office@arnurcredit.kz,

МҚҰ интернет-ресурсы: www.arnurcredit.kz.

Әлеуметтік желілердегі ресми парақтары: <https://www.facebook.com/arnurcredit/> және <https://www.instagram.com/arnurcredit/>.

12.7. Шарт Қарыз алушы Шартқа қосылу туралы Өтінішке қол қойған күні күшіне енеді.

12.8. Шартты және Шартқа қосылу туралы Өтінішті орындау кезінде Тараптар олардың талаптарын және Қазақстан Республикасының қолданыстағы заңнамасын басшылыққа алады.